

書符呪

唵夜闍屠渠訶勒曇俱婆夷知帝薩吒

右法指中指中書符十道用紅紙書分布

十方逐符以黃錢化之呪曰

千和萬合混合百神神公受命總監衆靈群

妖束首振伏萬靈保真固命以度兆民生死

受賴其福難勝功過無失保舉爾身急急如

靈寶律令

上清靈寶大法卷之二十七

上清靈寶大法卷之二十八

飛四

洞微高士開光救苦真人審全真授

上清三洞弟子靈寶領教明師王蒙真纂

傳度儀範門

師曰夫靈寶大法者三洞三品之上道萬

百千篇之靈章受者不論仙凡而在於有

經者為師授者不擇貴賤而在於有求者

為弟子也按玄都定錄四萬劫一傳者非

下元神洲品格乃三天之年限蓋禁泄之

於非人倘有仙才豈論四萬劫一出也神

洲條禁四百年一出其文亦許聽至人四

十年付一人四百年不得過七人但慮後

學傳習之者衆叛道背師違盟負誓不明

至理侮弄道法輕泄漏慢觸冒玄憲不惟

毀敗至教而且負於師資削降階職終難

歸復上宮兼無骨相之子累及玄祖不可

不戒也又有狂妄之師偶遇其文外以高

邁清德內以好食貨貨不擇賢智多示不

肖之子混淆至教是致三官鼓筆四司錄

愆遂使道妙不符靈玄比空而上玄好生

惡殺普度沈淪曲出度人無量之旨接引

後學之士別出授度科格使和陽降光不

生陰殺兆宜遵守翊贊玄化則普天懷德

同證大羅之果

太極真人曰吾自昔劫以來備經歷化富

貴貧賤無不周旋師資付授一言一句不

生真假之念以假為真自獲真應若以真

為假其真自失自生真假之別故曰萬法

真假之念丹宮亂氣萬劫難明一心奉真

无假立獲真應妙果

梵室真人曰凡授受之始質心盟科之理

者以學道之子澆薄淺見不得純白之志

故有金寶質心之格重道輕財亦有多失

於真受亦有好利量度輻銖而失於其人

嗣法皆非消磨本心明譴未及安逃鬼神

剪戮矣

飛四

師曰授受之科當選擇其人神真內固威

德儼然言行有信慈憫忠孝謹節正己操

心端直志慕希夷如此之人方可修持上

法濟度死生若陰謀潛害言行有虧忠孝

不立心行邪佞詬曲詐欺內無德行外失威嚴則福淺惡逆之人或三途中世屠劊將兵刑戮之家豈可洞達天地神祇者哉當審賢愚分別仙姿然後方可受詞立誓依玄科年限備詞心章取大帥口命卿元

也次求宗師保舉與度師同壇之宗也即申三天上相付下三官府獲其吉報方擇吉日一依科格盟天而傳又曰大凡受持之師行持半紀許度五人一紀之後度十三人不可再度然靈寶之文非他法之比切宜慎之

効心盟天

經曰至士齋金寶効心盟天而傳又曰若有至人質心依舊格告盟十天然後而付焉此所以質心而貴道也告盟之格且諸侯公卿欲濟世扶危保鎮國祚受此大法當以上金一百二十兩五色綾羅各三十六疋朱砂青絲各十二兩鎮信綠米一百二十石命錢一百二十貫普香三十六斤若士庶欲濟度存歿超升玄祖當以上金三十六兩五色綾羅

各十疋朱砂青絲各九兩鎮信綠米十二石命錢十二貫普香六斤若肥遁山林長齋岩谷修鍊有道之士當以上金九兩紫羅一端青絲朱砂各一兩普香一斤以素紙一百張巾帛五方筆墨各一件以代錢米如無力

行道之士亦可用三分之一不可缺也或寒棲之士無力亦可割髮以代金上告三十二天天帝以盟十天也又以五色布三尺六寸効質心或刺血以代之効心五帝以給玉童玉女也青絲者以代割髮丹砂者以代刺血今雖有明質信幣未嘗能割髮刺血者大抵

質心要在割一身之肥肉截九天之靈寶不以恥痛為念結萬劫因緣以顯精衷誓不妄傳無疑忽之誠乃其人也何用世財耳蓋此法秘於上天其禁至重至於天人詣玄都上官而受傳亦齋金寶而受是以不可輕泄故也若有道之士所以法信度法師當一具奏天廷傳度按法應千傳用之物不可私心隱匿如弟子外惜財貨而輕道內惜髮膚而恥痛難苟從質心傳受之後其道不行神真

不待經法百魔所敗度師弟子俱獲深殃累祖負玄切宜戒之如遵科格則諸天欣慶群魔束形萬神敬禮開壇之時授度之日自有衆真監度以授於我道法流行百魔隱詭離合自然呼聖集真濟生度死積功累德不日

成之受法之人要在忠孝君師父母慈悲坐冥苦爽心奉三寶清貞修己舍光默識密行陰德一心本末終不忘信求師匠之微言篤實任淳而遵守在品祿無妨於仕君養親居山林者無嫌於修鍊形神樂江湖者無媿於逍遙逸散務耕耘者不廢於農桑稼穡大隱

於行商坐賈者不阻於經營謀運小隱於醫卜工巧者不抑於精專藝業韜於暗持而必成顯於光耀而必隨苟奉上忽下妄佞隨勢奸狡多機輕於易倦評論端緒傲慢一切好華務利浮浪播美淫醉貪怒志行不逮有犯有條必冥於幽極之所若遵教戒立保升騰仙階可躋矣此吾門之訓不示凡子勉守慎之明詳於此師曰凡拜心章已承上玄之命許行付度

即再用心章下通於靖中或高山之上露
 章分十天寶券合同職券玄都誓券告盟
 十天玄泉芝草或奇花珍果名香禮師三
 十二拜為表餘批報補受職任皆在洞視
 百靈神朝玉陛而洞明方能入七經之旨
 然後醮謝諸師或心章已達玄命許度立
 盟結誓禮師分契已畢餘皆許立上天玄
 中之師入七經之道建壇自度也不必一
 一在於度師攝行又須假世中經師而達
 於玄師是無師不度者經師也無師不成
 者玄師也經師與玄師無異稍有乖奉二
 官奏劾降職罰算餘如玄憲仙格受度如
 畢即以黃縑九寸丹書流金鍊身長生靈
 符背書九戒以絳囊盛之懸映心前遵持
 九真大戒受行法職十戒十二天人之行
 誦靈書歌章萬遍方入七經後持八緯必
 致真人之位雖功漏不滿數合入冥亦得
 暫過太陰尸解得道上升仙宮

奏格

玉清

上清

太清

九天帝	東華	五老上帝	靈虛宮
西元	都省	月府	靈虛宮
天仙內院	日宮	五斗	二十八宿
天罡	五星四曜	三官	玄師
三台	南斗	三籙院	三洞寶經
北斗	南昌	天真真人	四嶽
四聖	經籍度師	三洞宗壇	十方元極大神
天師	監齋	妙行真人	東嶽
		三洞宗壇	鄭都
		天曹	三元道化
		十方元極大神	水府
		天真真人	
		三籙院	
		天真真人	
		四嶽	
		十五	

申狀式

道藏林寶網

都水監	九壘	太歲
九州社令	都大城隍	州城隍
縣城隍	靖治官將	靈寶官將
當境		
劉住居土地司命等神	青詞	繳印單
傳度表	監度狀	三代立盟狀
保舉狀	奏狀翻黃倚黃	請醮奏申狀
醮關	申發關	表關
詞關	醮進龍車表	
祭將跪	設醮眾真獻狀奉安跪	
收補帖	傳度	
仙誥	三天券	合同券
環二箇	思微版券	
告盟十天券調簡三十片	青絲一兩	戒牒
策杖一條	交將帖	
補職帖		
保舉師狀		

保舉師具位姓某

右據嗣法弟子某人本貫赴投詞乞行保舉傳度事契勸某人律身端謹慕道恪恭堪受

靈寶職任謹具狀申

靈寶大法師某君壇下伏乞

法慈特賜騰奏

天廷依

科傳度如某人受持之後或有違盟誓某

甘同俟

玄憲伏候

法旨

年月

日保舉師

狀

監度師狀

監度師具位姓某

右據嗣法弟子某人詞稱本貫赴乞行監度事契勸某冲虛心存利濟堪受

靈寶法職合與監度未敢擅便謹具狀申

靈寶大法師某君壇下伏乞

法慈依

科奏盟開壇傳度伏候

法旨

年月

日監度師

狀

三代出身立盟誓狀

具弟子位姓某

今開具三代出身鄉貫等于後

一本貫某州某縣某鄉某保某靖焚修

一高祖某具生死年月日時有官受錄並

依實具列

高祖妣某氏 曾祖某 曾祖妣某氏

祖某 妣某 父某生死年月日時

母某生死年月日時

一某見年月 日時生上屬

北斗某星主照

一某於某年某月 日就龍虎山

正一天師門下參受某錄

一某於某年月 日詣某君壇下傳受

某法見今奉行

一某四代即不係將帥屠創之家及不係十惡五逆之人亦不犯不忠不孝不曾經

罰

一某今來乞傳授

靈寶大法受持之後誓願代

天行化修齋立功普濟幽明保安家

國不敢叛道背

師始勤終怠輕泄

祕典妄傳非人及不忠不孝不仁不義傲

忽 至真遠越

科禁如有似此等罪甘以身謝

三官禍延七祖一如

玄科令

一某今請到

保舉師某人監度師某人

右謹具如前如有異同甘俟

天憲謹狀

年月

日具位姓某

狀

投詞式

具法職某

右某本貫某州某縣某保某靖焚修見年幾歲某月日時建生上屬

北斗某星君主照伏念夙承

妙廢叨處

玄門佩

符籙而護命鎮身受

經法而承流宣化進修未至媿及物之無

功蒙昧何知恐未明於

玄奧靖惟寡德徒玷

真風是用齋沐身心齋持香信躬詣

度師某君壇下乞奏授

上清靈寶大法經文祕訣符圖印章一宗

誓願行持章奏普濟幽明修鍊形神保安

家國興利除害建德立功不敢怨

道欲師始勤終怠輕泄祕典妄示非人如

遺殃流一身禍延七祖風刀立考永失人

倫謹具狀拜投

度師三洞宗師真人某君壇下伏乞

師慈俯垂俞允特賜騰奏

天廷依科傳度施行伏候

法旨

年月 日具位姓某

狀

奏玉清

具法位小兆巨姓某

右臣不避誅夷偕干

天聽深知躡越音丐

寬容巨謹據詠永夫人倫事巨智識凡庸

業行淺薄未通真與安可接人恩惟

太上垂科

靈文降世許以汲引後學繼襲

宗風所領來詞不容抑絕謹卜今日某日

就某處冒禁盟天騰詞請

命取某日恭依

科格開壇傳度謹遵

師範付授

靈文裂券分環結盟立誓至夜修設清醮

若干分位上謝

天恩祈奏補某人名銜及奏請壇額靖名

刊造合用印篆心印開具式樣單子繳連

在前巨昧死謹錄狀上奏

玉清上帝元始天尊陛下恭望

道慈允巨所奏特降

勅命告下三界十方諸天曹局陽庭陰治

應干合屬去處照應弟子某人所受法職

印式咸使聞知即為某赦宥宿愆削除罪

簿標名玉格列籍玄都其或為國為民祈

禳請禱濟生度死修齋立功應有符檄關

盟所至悉無阻遏速獲施行仍乞降賜

玄元始三氣靈寶妙光流注某人混元神

室之中即使存念施為呼吸修用洞符玄

妙通達

真靈無所不度無所不成設醮至期恭俟

恩光鑒臨照席證明修奉巨凡愚濁質濫

厠仙階冒瀆

宸威罪當萬坐謹具狀奏

聞伏候

勅旨謹狀

年月

日具位巨姓某 狀奏

三清四帝 並同前奏於內除三清外
元始三氣一氣改之餘外

奏九幽 十方靈寶

具位小兆巨姓某

右臣不避誅夷獻上謝

天恩除具奏

三天上帝及關盟

三界普告十方外所奏補某人見上奏

九幽拔罪天尊道前恭望見前

伏候

勅旨

年月 日具位臣姓某 狀奏

奏南極朱陵

具位小兆臣姓某

右臣不避誅夷現前上奏

南極朱陵大帝

太微南極注生大帝御前恭望

睿慈現前速獲施行仍乞

勅降丹天世界朱陵火府南昌上宮受鍊

司合千仙官將吏一合下臨某人靖治之

中輔助

教法拯濟幽冥使無所不度無所不成運

念施為克彰

靈應伏候

勅旨謹狀

年月 日具位臣姓某 狀奏

奏洞淵

具位小兆臣姓某

右臣不避誅夷現前上奏

洞淵三昧无量上上太一天君三洞天尊御前

恭望

睿慈允臣奏懇特降

勅命告下三界十方重泉九壘風梵綱維

之境胡單鬱絕之鄉地水職曹冥司去處

照應弟子某同前

伏候

勅旨

年月 日具位臣姓某 狀奏

奏九宸

具位小兆臣姓某

右臣不避誅夷現前上奏

高上神霄玉清真王長生大帝

東極青華大帝

九天應元雷聲普化天尊

九天雷祖大帝

上清紫微碧玉宮太一天帝

六天洞淵大帝

六波天主帝君

南昌上宮可輔司丈人真君

九天採訪使應元保運真君御前恭望

睿慈允臣所奏特降

勅命宣告

九霄三十六天雷霆三省四院四司東西

華臺四曹四局六部八寺諸司館閣及諸

曹院子司照應弟子某所受法職印篆咸

使知聞其或為國為民穰災除害祈禱雨

暘輔正除邪濟生度死應有

符檄關盟所至悉無阻遏速獲施行仍乞

頒下三界真司從現前所奏依應施行凡

愚伏候

勅旨

年月 日具位臣姓某 狀奏

奏生神上帝

具位小兆臣姓某

右臣不避誅夷前上奏

靈寶自然九天生神大帝御前恭望

睿慈允臣所奏特賜

勅命告下三界十方諸天曹局陽庭陰治應干合屬去處照應弟子某所受法職印

式咸使聞知即為某赦宥宿愆削除罪簿

標名玉格列籍玄都其或為國為民祈禳

請禱濟生度死修齋立功應有符檄關盟

所至悉無阻遏速獲施行仍乞遙降九霄

正真生氣靈寶无量妙光灌注弟子某身

田臟腑之中骨髓毫竅之內調和五氣混

合百神落三尸滅九蟲安三寃鍊七鬼令

得服氣鍊形朝元洞視即使神光發越妙

氣周流胎根肅清結節解釋魔無干犯身

有光明與道合真長生久視伏候

奏

勅旨

年月

日具位臣姓某

狀奏

奏五老

具位小兆臣姓某

右臣不避誅夷前上奏

五方五老上帝御前恭望

睿慈允臣所奏特賜

勅旨告下十極真司考校弟子某積生今

世故作誤為所有罪愆從原有即為刊

名丹簡紀字瑤篇其或服氣鍊形濟生度

死乞降五方五芽正真道氣灌注某身田

之中内生靈滋寶芝外招雲芽和氣通洞

五臟拘制萬神即使存用呼吸符合周流

洞契真元無有障塞仍乞

頒下三界十方合屬真司照應某所受法

職印篆凡有請祈

符檄所至即與遵行毋令阻遏速獲施行

伏候

勅旨

年月

日具位臣姓某

狀奏

奏木公上相

具位小兆臣姓某

右臣不避誅夷前上奏

東華木公上相青童道君

西元白玉龜臺太靈太真金母元君御前

恭望

睿慈允臣所奏特賜

勅命告下三界十方諸天曹局陽庭陰治

應干合屬去處照應弟子某所受法職印

式咸使聞知即為某赦宥宿愆削除罪簿

標名玉格列籍玄都其或為國為民祈禳

請禱濟生度死修齋立功應有符檄關盟

所至悉無阻遏速獲施行仍乞遙降

二儀祖氣金木真精統注某神室之中匹

配坎離制伏鉛汞或修身內鍊育聖胎以

凝靈或濟苦救亡鍊死竅而仙化呼吸施

用與道合真至期拱俟

恩光鑒臨懸席證明修奉剋就善功干冒

威嚴但臣下情无任不勝戰慄之至謹具

狀奏以聞謹狀

年月

日具位臣姓某

狀奏

奏天省畫一狀式

具位臣姓某再拜

上言右臣不避誅夷前干

天聽前至繼襲宗風今詳本人誓狀誠

意既恪理難抑道謹卜今月某日恭依科
格冒禁騰詞開壇傳度分環裂券立誓結
盟至晚修設清醮延奉
帝真證明傳度以副懇祈所有合行陳請
事件須至開畫奏聞者

一 臣奏為某傳受大法乞賜

睿旨宣示玄都曹治及三官九署天曹
掌錄籍合屬真司檢閱某宿生今世故
誤罪愆即與削除罪籍注上生名署職
仙階紀字丹簡庶令少裨

玄化上贊真風

一 臣奏為某乞賜膠奏

三天金闕諸天帝闕請降

勅命頒下三界十方諸天曹局斗府星
宮三元九府五嶽九壘鄴都地府水府
河源福地洞天神州境域陽庭陰治應
千去處咸使知聞先丐為某赦原九祖
宿愆多生罪愆並與斷地建後遷神南
宮自今而後凡遇嗣法弟子某為己為
人祈禳請禱濟生度死修齋立功應有

符檄關盟所至悉無阻遏剋獲施行

一 臣奏為某行持教法乞賜玄旨關告

玉清靈虛宮靈寶天仙內院及諸曹局
子司差降靈寶大法天真上聖真君萬
司如意大將軍諸天赫奕萬神神王玉

女玉童靈官將吏經法符書受職仙靈

洎北魁玄範府南昌受鍊司上清黃籙

院發遣章奏部併諸司官屬將佐吏兵

功曹直符土地等神分神化氣一合下

臨傳法弟子某壇靖之中隨印駐劄分

司治事輔助教法同積陰功俾得存念

交通呼吸相應无所不度无所不成凡

有請祈悉彰感應

一 臣奏為某遵依法式合行奏給通章印

法以備章奏行移并借以靈寶大法司

印額及本人印逐一具單隨狀進呈

丐為頒行三界真司合千去處照應施

行

一 臣奏為某所佩法籙謹按玉格補克某

籙弟子某職為任俾令蒞事行持剋遂

天闕推恩降命施行

一 臣奏為請析玄旨宣告三天門下靈章

奏司靈官仙宰將來某但有請祈所上

章詞表狀應于文字關報天門守吏侍

衛諸神三界魔王剋風上吏如期勿令

下官故恣妄有阻截即與依時上奏毋

致違却庶得所祈所願俱獲頒行

一 臣奏於某日恭按玄科開壇傳度修崇

醮禮上謝天恩至時願降

恩光俯垂鑒證曲賜陶成

右 臣謹錄狀上奏

三天門下奉玄都省恭望

省覽頒付直日玄曹從臣所奏施行伏候

勅旨謹狀

年 月 日 具位 姓某 狀奏

奏日官狀

具位臣姓某再拜

上奏右臣不避誅夷 入詞曰前

右 臣謹錄狀上奏

日宮太陽炎光帝君聖前恭望

真慈允臣所奏特降

勅旨告下三界十方陽庭陰治合于去處丐

為弟子某削除罪從落滅惡根記籍真司書

名紫冊自今而後凡有為己為人祈禳請禱

濟生度死修齊立功剋期感格即獲施行其

或鍊養三奇斡旋五緯書篆符籙拔度顯幽

乞賜陰陽靈根水火真正生炁灌溉三田庶

使呼吸存用內外相符洞妙貫玄引凡入聖

无所不度无所不成傳度之時拱俟

天恩鑒明祀事干冒

聖威但臣下情无任不勝戰汗之至謹具狀

奏以聞謹狀

年月 日具位 姓某 狀奏

月府太陰素曜皇君

天罡大聖節度星君

三合華蓋星君

二十八宿星君

十二宮辰星君

已上並同日宮狀式

奏北斗狀式

具位臣姓某再拜

上奏右臣不避誅夷同前

右臣謹錄狀上奏

北斗紫微尊帝二星星君

中天北斗九皇大道星君聖前恭望

寔慈允臣所奏特降

勅命宣示玉府玄曹檢閱弟子某宿生今世

故誤罪犯垂丐原赦許以自新仰賴標名玉

籍紀字冊書次丐勅降北魁玄範神虎大聖

玉女使者一行官將分形應化下臨某靖治

之中輔助教法共積功勳凡濟苦拔亡追鬼

攝鬼存思呼吸視影現形彰嘉應仍乞

宣告三界十方陽庭陰治合屬去處咸祈照

應某所受法職印篆自今而後凡有請祈符

檄所至即為遵行尚慮其肉質凡胎念累障

塞未解洞符玄妙通感其靈恭請瑤先真炁

灌溉身田解除穢結啓迪真機凡遇濟生度

死服炁鍊形存念行持契玄合道无所不度

无所不成以為效應剋副懇祈冒犯

寢嚴但臣下情无任不勝戰慄之至謹具狀

奏以聞伏候

睿旨謹狀

年月 日具位臣姓某 狀奏

奏南斗

具位臣姓某同前

右臣謹具狀上奏

南斗六司上相真君

南上朱陵火府帝君聖前恭望

真慈允臣所奏特賜

勅旨宣示玄曹赦宥弟子某夙今故誤罪咎

丐為注名生籍列職仙階次丐闕告南昌火

府鍊度真司給降主鍊度生化合于仙官將

吏分神化炁下赴某靖治之中輔助教法拯

濟幽陰凡有行持剋彰靈應宣揚道化共積

陰功冒犯

聖威但臣下情无任不勝戰慄之至謹具狀

奏以聞伏候

聖旨謹狀

年月 日具位臣姓某 狀奏

奏三官

具位臣姓某 月前謹錄狀上奏

上元賜福天官紫微大帝

中元赦罪地官清虛大帝

下元解厄水官洞陰大帝聖前恭望

聖慈允臣所奏特賜恩命告下无極神鄉泉

曲之府北都羅鄴三宮九府百二十曹較錄

生死陰陽罪簿籍水火風刀考官應千合

屬咸令知悉即與弟子某赦原罪欲落滅惡

根標紀善功進品仙格照應某所受法職印

篆自今而後凡有一切為已為人濟生度死

修齋立功剋獲施行伏慮某九玄七祖億劫

種親罪業深重尚淪報對咸從曲赦斷地逮

從遷神南宮凡諸祈懇剋獲昭通冒犯

聖威但臣下情不勝悚懼之至謹具狀

奏以聞伏候

聖旨謹狀

年月 日具位臣姓某

北極天蓬都元帥真君蒼天上帝

北極天猷副元帥真君丹天上帝

北極翊聖儲慶保德真君皓天上帝

狀奏

北極佑聖真武靈應真君玄天上帝

已上並同三官狀式

奏玄師

具位臣姓某 月前謹錄狀上奏

玄中教主上清靈寶聖師真君九前恭望

師慈俯垂省覽特降恩命告下三界十方陽

庭陰治合干去處咸令知悉即與檢閱弟子

某宿生今世故誤罪欲並析赦宥許以自新

專叩師恩差降靈寶大法諸司官屬分靈應

化一合下臨某靖治之中蒞職列曹分司治

事輔翊教法濟度幽明共積陰功宣揚道化

庶使某存念呼吸內外相符通達真靈密彰

玄應臣開壇傳度之時恭請恩光證明監度

提携後學接引方來共垂保舉之恩曲賜陶

成之造發揮秘密開悟愚迷弘闡化機默符

心請俾使某性根智慧心地了明洞妙貫玄

承流宣化法由師度願仙依之可聯道在人

弘贊真風之攸永冒犯

師嚴但臣下情不勝戰慄之至謹具狀

奏以聞伏候

道旨謹狀

年月 日具位臣姓某

太上輔元體道三天大聖都天大法天師真君

玉清靈寶經師真君

上清靈寶籍師真君

上清靈寶度師真君

靈寶監齋大法師真君

上清玄一鬱羅翹真人

太上玄一真定光真人

太上玄一光妙音真人

已上並同前式

申妙行真人

具位姓某再拜

申謹據實屬某入意同前除為具奏

帝廷及闕盟三界普告十方外今將本人

所補法職壇靖印篆開具單帳連黏狀前

須至申聞者

右謹錄狀上申

妙行真人九前恭望真慈俯垂省覽軫无量

度人之念體聖師垂教之方以引下愚陶成

後學特為弟子某注名仙派列籍真階發揮
道德之真宗敷演洞玄之妙蘊廣開方便啓
迪昏蒙密授玄機默符心印庶使某性生智
慧心悟筌蹄符圖呪訣而通感真靈運念施
為而洞符玄妙普濟幽冥无所不度修真摩
道觸向咸成魔試不干形神俱妙道不負人
俾至人而有遇人能弘道宣至道以无窮仍
祈師旨頌下三界真司照應施行干冒
師嚴但某下情不勝激切之至謹具狀申以
聞伏候師旨謹狀

年月 日具位姓某 狀申

上清太極真人
太極冲應真人
九州都仙太史高明大使神功妙濟真君
吳越司命三茅真君
南嶽司命上真魏真君
九天道師謚母元君
吳黃十一位列仙真君
太上三洞宗壇副教傳法度人歷劫應化得道真仙師尊聖
已上並同前式

申天真皇人

具位姓某同前須至申聞者

右謹錄狀再拜上申

三清上境天真皇人九前伏望俯垂省覽陶
成末學汲引愚迷特為某紀字金編列名玉
簡自今而後其或行持教法普濟幽明服炁
鍊形書符篆籙即賜慧源一炁灌決三田庶
使呪語通靈存用交感洞契上玄之妙默符
按筆之規凡所施行无不遵奉干冒
威嚴但某下情不勝激切之至謹狀

年月 日具位姓某 狀申

上元金籙院上宰真君
中元玉籙院上宰真君
下元黃籙院上宰真君
已上並同前式
申三洞經籙神仙
具位姓某同前須至申聞者
右謹具狀上申
三洞寶經九等法籙上聖高真侍衛群仙
元始諸真符命雲篆天章一切真仙聖前恭

望真慈俯垂省覽特賜聖旨關告三清祕藏
十方正法典守侍衛一切玄司照應弟子某
所受法職印篆自今而後凡有為已為人濟
生度死修齋轉經篆籙書符存神請炁即賜
開函啓蘊降炁分光庶得誦詠合玄真之奧
書篆契按筆之規科儀齋法而通感真靈旨
訣行持而洞符玄妙凡所施行无不遵行干
冒

年月 日具位姓某狀申

申十方无極至真大神

具位姓某同前須至申聞者
右謹具狀上申
十方无極至真大神
十方无極飛天神王聖前恭望聖慈俯垂省
覽特賴矜憫下愚提携後學丐為弟子某注
名仙格列職玄曹自今而後凡有為已為人
朝修誦經即賜傾先回駕降炁分靈敷演真
詮洞明旨義庶令誦詠宣揚存思修用感蒙
悟解悉獲感通契神風靜默之機達泰米空

玄之妙无所不度无所不成獲證真常剋臻
道果干冒威嚴以某不勝虔切之至謹狀

年月 日具位姓某狀申

申九天丈人真君

具位姓某同前右謹具狀上申

九天丈人儲福定命真君

九天采訪使應元保運真君

九天朝元諸位真君聖前伏望真慈俯垂省

覽特降聖旨宣示諸天曹局丐為弟子某赦

原宿愆削除罪籍乞從上天推恩即與遵依

玉格注職仙階次丐告下三界十方陰陽庭

治合干去處照應某自今而後凡有一切行

持剋獲感通施行干冒威嚴以某下情不勝

激切之至謹狀

年月 日具位姓某狀申

天曹太皇萬福真君

天曹六司四運真君

天曹掌籍掌算真君

天曹列位真君

四聖位同一狀依前式

申靈寶主帥

具位姓某同前右謹具狀上申

靈寶大法主帥真君

法部真仙靈官將吏聖前伏望聖慈俯垂省

覽即賜聖旨開告靈寶合隸諸司院府仙官

將吏照應弟子某所受法職印式咸遵

上帝勅命應時分神化炁一合下降某靖治

之中雲屯駐劄分司治事輔助教法普濟幽

明坐呼立召而嘉應密符意想心存而神機

默契闡揚道化茂積陰勲嘉績有成應天選

叙干冒威嚴以某不勝虔切之至謹狀

年月 日具位姓某狀申

申三天門下三真君

具位姓某同前右謹錄狀上申

上元道化真君

中元護正真君

下元定志真君

三天門下詞章表奏仙官聖前伏望聖慈允

茲申懇特賜聖旨開告天門守衛諸神三界

魔王之境九重剗風上吏照應弟子某所佩

法職印式咸使聞知自今而後凡遇某行持

教法普濟幽明謁帝朝元祈恩請命所上章

詞表奏應干文字即與徑度剗風上通

帝闕毋致遏截有所違却庶得請祈速獲頒

行仍賴告下三界十方合屬神司遵奉施行

干冒威嚴以某不勝虔切之至謹狀

年月 日具位姓某狀申

申天樞院類奏狀

具位姓某同前式除具奏

三天上帝及諸帝尊申牒三界合屬真司

外今則發陳奏狀幾函封印具全欲乞依

時騰進須至逐一開申者

玉清上帝陛下

上清大帝陛下

太清大帝陛下

昊天玉皇上帝陛下

勾陳星宮天皇帝陛下

紫微中天北極大帝陛下

后土皇地祇殿下

東極青玄上帝陛下

太微南極注生大帝陛下

九幽拔罪天尊聖前

十方靈寶天尊聖前

朱陵大帝聖前

洞淵三昧天尊聖前

玉清真王長生大帝聖前

靈寶自然九天生神上帝聖前

靈寶度人三十二天帝君聖前

五方五老上帝天君聖前

東華木公上相青童道君聖前

西元白玉龜臺金母元君宮下

右謹錄狀上申

三天門下上清天樞院伏乞聖慈不以諸處

奏牘類進徑為先次進呈其或字畫訛謬理

不通宜為隨字改正請降

敕旨頒下三界十方陽庭陰治合屬真司照

應弟子某所受法職印文自今而後凡有關

盟公文所至即與遵行其遇其將來行持教

法並濟幽明仰望真慈不倦特為奏呈勿令

上官典者有所抑却庶得請祈遂意速獲施

行干冒威嚴但其不勝激切之至謹狀

年月 日具位姓某狀申

申東嶽聖帝

具位姓某同前右謹錄狀上申

東嶽泰山齊天仁聖帝聖前伏望聖慈俯垂

省覽特賜聖旨告下嶽府曹掾七十五司及

諸案局考較陰陽生死罪福官典移文轉告

四嶽官府福地名山靖廬治化鄴都地府風

澤水府神洲境域城隍社廟神鄉鬼營合屬

去處照應弟子某所受法職印文咸令知悉

即與削除罪咎標紀善功自今而後凡遇某

為己為人修齋立功應有符檄關盟所至悉

為遵行毋令阻遏伏慮某九玄七祖億劫種

親罪業縈纏尚淪幽壤咸從曲赦注受生方

冒犯威嚴但其不勝激切之至謹狀

年月 日具位姓某狀申

南嶽司天昭聖帝

西嶽金天順聖帝

北嶽安天元聖帝

中嶽中天崇聖帝

四狀並同前式

申水府

具位同前右謹錄狀上申

水府丹林扶桑大帝聖前伏望聖慈俯垂省

覽特賜聖旨告下賜谷丹林三河四海九江

七澤四瀆五湖溪谷川源龍庭洞穴堰閘橋

梁溟汾泉曲合干去處咸使知聞即與某削

除罪各錄紀善功照應弟子某自今而後凡

有為己為人應有符檄關盟即與遵行毋令

阻遏干冒威嚴以其不勝虔切之至謹狀

年月 日具位姓某狀申

申蓬萊都水監

具位同前右謹錄狀上申

蓬萊都水監翊教真人聖前伏望真慈俯垂

省覽特賜聖旨告下水府所隸職司掌風雲

雷雨旱澇生教溪源潭洞一切神司去處照

應弟子某所受法職印文自今而後凡有為

己為人祈禱濟度某遇符檄關盟所至即與

遵行毋令阻遏干冒威嚴不勝虔切之至謹

狀

年月 日具位姓某狀申

申鄭都大帝

具位月者右謹具狀上申

北陰鄭都玄天大帝聖前伏望聖慈允令申懇特賜聖旨告下内外官洞左右上下諸大

无間地獄地府十官曹案長夜泉高應係考較世人陰陽罪福去處咸遵上帝敕命照應弟子某所受法職印文將來其有行持教法修齋立功濟拔幽明超度玄祖應干文檄到來即為遵行毋令阻遏伏慮某九玄七祖或滯幽陰成從曲赦注受生方干冒聖威以某不勝虔切之至謹狀

年月 日具位姓某狀申

地府十官十王十德真君 一狀同前

申土府九壘皇君

具位 同前 右謹具狀上申

土府九壘九土皇君聖前伏望聖慈允令申請特賜聖旨關告風梵罔維之境翔單鬱絕之鄉三十六地土上土下厚地重陰風澤无窮去處照應弟子所受法職印文自今而後

其有符檄公文所至即與遵行毋令阻過干冒聖威以某不勝虔切之至謹狀

年月 日具位姓某狀申

申太歲

具位 同前 右謹錄狀上申

今年太歲至德尊神聖前伏望聖慈允令申請即為關告一周太歲五十九位官君部下一切神煞咸使知聞照應某所受法職印文將來其有請析公文所至即與遵行毋令拒抑干冒威嚴但某不勝虔切之至謹狀

年月 日具位姓某狀申

上清靈寶大法卷之二十八

上清靈寶大法卷之二十九

飛五

洞微高士開光救苦真人審全具授

上清三洞弟子靈寶頭教師王契真兼

傳度儀範門

牒靈寶法部官將

靈寶大法司

據貫屬某入意同申奏內至丐行傳度除具奏帝廷申聞三界牒劄合隸真司外為此今將本人所奏法職印文另具單帳連黏牒前合行備牒請

靈寶大法萬司如意大將軍諸天赫奕萬神玉女玉童靈官將吏神虎北魁玄範府左右二大聖七真玉女三部使者追魂攝魄吏兵南昌鍊度司丹天左右侍衛大將軍水火二司受鍊一行官典黃籙院諸司考較合干官屬發遣章奏運神會道官將吏兵天醫院靈官仙宰靈寶部屬諸司府院金童玉女使者吏兵合干將佐恭稟上天命令潛分應化真身於某日一合下赴某靖治之中列職分司按營治事自今